



UPRAVA POLICIJE

Broj: 05-04/06-11- 586 /26/AD

Datum: 05.03.2026. godine

Na osnovu člana 8. stav (2), člana 17. stav (1) i člana 18. stav (1) Zakona o javnim nabavkama BiH („Službeni glasnik BiH“, broj: 39/14, 59/22 i 50/24), Pravilnika o postupku dodjele ugovora o uslugama iz Aneksa II Zakona o javnim nabavkama (Službeni glasnik BiH, broj 2/23), člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj: 13/16, 16/17 i 8/24) te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), a na osnovu ukazanih potreba, zamjenik direktora Uprave policije MUP USK-a, **d o n o s i:**

ODLUKU

o pokretanju postupka nabavke usluga iz Aneksa II Zakona o javnim nabavkama

Član 1.

Odobrava se pokretanje postupka javne nabavke društvenih i drugih posebnih usluga iz Aneksa II Zakona o javnim nabavkama („Službeni glasnik BiH“, broj: 39/14, 59/22 i 50/24), odnosno usluga obrazovanja i stručnog osposobljavanja uposlenih, savjetovanja, seminara i sl. za potrebe Uprave policije MUP USK-a u periodu od 01.01.2026. godine do 31.12.2026. godine.

Član 2.

Postupak javne nabavke provest će se u skladu sa Zakonom o javnim nabavkama Bosne i Hercegovine („Sl. glasnik BiH“, broj 39/14, 59/22 i 50/24), podzakonskim i internim aktima. Procijenjena vrijednost javne nabavke bez PDV-a iznosi 20.000,00 KM (slovima: dvadesethiljada i 00/100 KM).

Predmetna nabavka će se finansirati iz sredstava budžeta Uprave policije MUP USK-a za 2026. godinu. Oznaka i naziv iz Jedinstvenog rječnika javne nabavke (JRJN): 80530000-8 Usluge stručnog osposobljavanja

Član 3.

Javni poziv za nabavku društvenih i drugih posebnih usluga bit će objavljen na Portalu javnih nabavki, zajedno sa obavještenjem o nabavci u skladu sa članom 3. stav (1) Pravilnika o postupku dodjele ugovora o uslugama iz Aneksa II ZJN (Službeni glasnik BiH, broj 2/23).

Ugovorni organ će u obavještenju o nabavci i javnom pozivu utvrditi primjeren rok za prijem ponuda, ne kraći od deset dana od dana objave obavještenja o nabavci.

Član 4.

Obzirom da Ugovorni organ nabavlja predmetne usluge od više ponuđača u tom slučaju nije obavezno zaključenje ugovora, te se račun za pruženu uslugu može smatrati ugovorom u skladu sa članom 4. stav (2) Pravilnika o postupku dodjele ugovora o uslugama iz Aneksa II Zakona o javnim nabavkama.

Član 5.

Za izvršenje ove odluke zadužuje se Sektor za materijalno - finansijske poslove i informacijsko - komunikacijske tehnologije, Odsjek za materijalno opremanje i komercijalne poslove.

Član 6.

Ova odluka stupa na snagu danom donošenja.

Obrazloženje

U postupku nabavke društvenih i drugih posebnih usluga iz Aneksa II Zakona o javnim nabavkama BiH („Službeni glasnik BiH“, broj: 39/14, 59/22 i 50/24), odnosno usluga obrazovanja i stručnog osposobljavanja, savjetovanja, stručnih seminara iz oblasti javnih nabavki i drugih oblasti za potrebe uposlenih Uprave policije MUP USK-a tokom 2026. godine utvrđeno je da je predmetna nabavka osnovana i da sadrži sve potrebne elemente za odlučivanje.

Predmetna nabavka je predviđena u Planu javnih nabavki Uprave policije MUP USK-a za 2026. godinu broj: 05-04/06-11-238/26/DG od 04.02.2026. godine u dijelu USLUGE pod rednim brojem 2.

Za provođenje javne nabavke sredstva su osigurana u budžetu Uprave policije MUP USK-a za 2026. godinu.

Pri donošenju ove odluke Uprava policije MUP USK-a se posebno rukovodila činjenicom da je neophodna nabavka predmetnih usluga zbog potrebe stalnog stručnog usavršavanja, savjetovanja i edukacije službenika koji provode postupke javnih nabavki kao i policijskih službenika iz Sektora kriminalističke policije.

Na osnovu utvrđenog činjeničnog stanja, odlučeno je kao u članu 1. ove odluke.

Dostavljeno:

- ① Sektor za mat.-fin. poslove i IKT- za objavu
2. Sektor za finansijsko-računovodstvene i analitičke poslove
3. a/a

